

(1118)

汾陽縣志卷之二

山川 渠堰津梁附

縣境之山自汾源之右蘆芽山

在寧武府五寨縣南六十里迤邐而

南廻旋於汾西河東由永寧州之呂梁至縣西黃櫨

頡南接孝義縣之狐岐是為西山正脊所經枝麓布

為羣山而汾川行乎左為縣東地防之限溪澗泉流

合文水以注於汾此縣境山川西高東下之大勢也

謁泉山在縣北四十里一名隱泉山隱泉水出焉東流

入於文水水經注曰俗云暘雨愆時是謁是禱故山得

其名其山石崖絕險壁立天對崖半有一石室去地可

(3478)

五十餘丈。爰有層松飾巖，列柏綺望。惟西側一處，得歷級升陟，頂上平地一十許頃。後人好古，以爲子夏居西河教授跡，在於斯故。是山俗又呼子夏山。張守節史記正義始舉西河郡謁泉山石室，引隨國集記云：此爲子夏石室。退老西河居此。山有卜商神祠。李吉甫元和郡縣圖志汾州西河縣下云：卜商祠在縣北四十里。邑紳曹學閔有西河考詳見藝文

青龍山在縣西北四十里，孤峰特立，羣山環之。左右谿澗流出，山頂有泉曰甘泉。

白彪山在縣西北二十五里，相傳遠古騶虞見此山，故名。其麓曰壺盧谷，原公水出焉。東南入文水，谷有龍橋，洞方廣十丈許，闢兩巖間，石梁橫續，懸溜滴池，不絕。南爲羊耳山，石巉峰聳，林茂泉飛，水經原公水出茲氏縣。西羊頭山，或云白彪山，卽羊頭山之異目也。今別有山名羊頭山，土山戴石，東距府治十五里。原公水經其下，比干山在縣西，迤北百里。元和郡縣圖志西河縣比干山在縣北百一十里，是也。

黃櫨嶺在縣西六十餘里，東魏武定中大司馬石城郡公斛律金爲南道軍司，繇黃櫨嶺出，襲襍部，北齊天保三年十月，幸離石，遂至黃櫨嶺，起長城，是也。踰嶺而西

至永寧州百有五里嶺西之水合離石水西入黃河向陽峽在縣西三十五里有關隘名金鎖關巖險插天中斷如闕延袤三十餘里有澗水出峽東流入文水鶴鳴洞在縣西四十里舊曰西岩古洞

石室山在縣西三十里山多巖洞

府舊志云石室山有空王佛岩麻衣仙洞空王佛後化介山故今以抱腹巖爲東岩而以此爲西岩麻衣仙姑汾州任氏女碑記稱生於唐貞觀元年七月廿有六口不願婚嫁披麻衣入洞中因以名其洞旱禱輒應

萬戶山在縣西二十里高八十丈延袤二十里頂平曠又謂之西岡有唐碑刻刺史以下登眺詩漫滅不復識舊傳趙所封離石侯石嵩葬此山下今亦無可考實府治西三十里曰石婆神山相傳山無水泉有老嫗日遠汲以濟人歿而爲神建祠山上其山與萬戶山相連而在西

石盤山在縣西池南十里其高峯俗呼西頂

將軍山在縣西南十七里舊傳離石侯牙將趙鼎號白馬將軍戰死此山民收葬山下故名山與石盤山連薛頡嶺高五里許在縣西南九十餘里西距寧鄉縣治

五十里。東南距孝義縣治百里。善利渠、金沙水俱導源是嶺。東入文水。其西澗谷之水西入寧鄉水。合離石水以歸黃河。

汾水出寧武縣西六十里管涔山。南流。由靜樂西。交城北。陽曲西。太原東。徐溝西。復經交城東南。至文水之東。其故道折而西轉。南經縣東境。以下接平遙西。孝義東。迤西。由介休靈石之北。霍州西。汾西之東。趙城。洪洞。臨汾之西。襄陵。太平之東。曲沃西北。絳州。稷山。河津之南。而西入於河。其在縣境。東西轉徙不定。今自文水縣南接平遙。而縣境不濱汾川矣。

據水經。文水到平陶縣東北。又東入於汾。原公水過茲氏縣北。又東入於汾。平陶故城在今文水縣西南二十五里。似今時汾陽孝義東境。文水所經。卽水經汾水故道。水經注。文水與勝水合。又東南入於汾。其注原公水云。水入文湖。不至汾也。似與今改流之汾水不殊。考汾水舊由文水縣東北五十里北安都。屈西至縣南二十五里河南都。入汾陽境。明萬歷三十九年。東徙。由縣東南四十里齊南都。入平遙境。水之西岸。由文水縣永樂村入汾陽境。經尹家社、狄家社、閻家社、裴家會。

並縣東北四十五里。

郭家莊、東社村、李家莊。

並

東北四九枝社縣東北三十里演武鎮縣東三十里辛愛村縣東

十里少南三師家莊縣東南二十里董家莊縣東南二十五里其平遙縣

堯城之下接入汾陽縣經韓家橋西河堡並縣東南三十五里

大王村縣東南四十里北小堡縣東南四十五里下入孝義縣國

朝順治十一年秋西徙二十里西距縣治二十五里

乾隆三十二年又徙而東不由汾陽縣此汾水東西

轉徙之大致也

汾水舊經汾陽縣東地高河卑瀕河或用桔槔汲水

溉畦明嘉靖中分守冀南道趙祖元疏渠造江浙水

車教民引溉民甚利之後淤徙不常遂廢其平遙介

休汾陽孝義舊渠萬歷二十九年孝義縣知縣周佑

請分四縣水利起十月之朔止次年二月平遙縣於

十月一日至十一月七日介休縣於十一月八日至

十二月十五日汾陽縣於十二月十六日至正月二

十一日孝義縣於正月二十二日至二月終自汾水

轉徙後渠堰悉廢

文水導源交城縣西山出谷逕文水縣俗呼文峪河南

流接汾陽縣之東北境又南得隱泉水原公水金鎖關

水南逕縣東得清溝水又南得薛頡嶺之水又南接孝

義縣東北境又南入於汾

文谷在文水縣北二十里其水自西北來水經文水出大陵縣西山文谷東到其縣屈南到平陶縣東北東入於汾酈道元注文水逕大陵縣故城西而南流有泌水注之又南逕平陶縣之故城東西逕其城內南流出郭又南右會隱泉水又南逕茲氏縣故城東爲文湖又東逕中陽縣故城東又東南流與勝水合又東南入於汾大陵故城在今交城縣西南十里前隸文水縣後割土安都易之因隸交城平陶故城在文水縣西南二十五里文水縣志云文峪水在永寧州孝文山一出交城縣西山半崖龍口一出本縣土

安都泊泊河縣西五十里三水合流從文峪口開柵鎮向

東南流今是水自文水縣南流與汾陽縣東北五十

里接境以下逕百金堡縣東北四十里南堡村縣東北三十里康

家堡縣東二十里之東縣東池東逕北莊村縣東南十五里乾河村之

東縣東南十八里轉南逕師家莊之西縣東南二十里董家莊之東

縣東南二十五里西河堡之西縣東南三十里池西接孝義縣南

船頭村之西縣東北十八里新莊之東縣東北十三里轉南移東注

汾水昔時於汾陽縣卽與汾會自乾隆三十二年汾

徙而東文水徙而西孝義縣始有文水然考之水經

汾陽縣志 卷二
注。文水既合勝水，乃入汾。與今之水道無異。而前後地志所記，或過文水縣，卽合流。蓋汾水既東西轉，徙於汾陽。孝義東接平遙，數十里間，文水至此，隨其所棄之故道，通塞而或因或決，亦遂無定。此小水附近大水者，必然之勢。於水之左右，相其地形，酌用縷隄，遙隄之法，亦補救之急務也。

隱泉水，出縣北謁泉山，循磴透池，東注山下。又東逕文水縣西南，以下無津，渠通流，山水盛漲，乃趨下地，入於文水。

水經注：文水又南，會隱泉水。水出謁泉山之上頂，頂上平地一十許頃，沙門釋僧光表建二刹，泉發於兩寺之間，東流礪石，沿注山下。又東，津渠隱沒而不恒流，故有隱泉之名。雨澤豐澍，則通入文水。今文水縣境呼爲清泉。渠南廟碑云：文水縣池南五里，鄉名樂村，乃隱泉之所經。泉流自是而澄清可濯，故曰清泉。原公水，出縣西北白彪山麓，俗呼壺盧谷，故是水。又名壺谿，語轉字訛，遂呼賀魯水。泉源所導，至今猶留原公池之目，俗亦呼馬跑泉。鄙語云：北魏賀魯將軍駐師於山，馬跑得泉，或曰禿髮傳種之子。魏世祖賜姓源，後又賜名賀者，皆非也。唐貞觀承嶽間，西突厥有賀魯其人。

屢爲邊患。顯慶初始平之。然足跡未至河東。而茲水之稱原公水。以七國時趙襄子之臣原過得名。則遠在秦漢前矣。一名石鼻溪。東南流。逕羊頭山北。又東。逕縣北。又東。入文水。

水經原公水出。茲氏縣西羊頭山。東過其縣北。又東入於汾。酈道元注云。水注文湖。不至汾也。案汾水至交城文水二縣下。東西轉徙。隨時不同。故文水入汾。或遠或近。水經作於三國魏時。下至北魏。文水右納勝水。乃會於汾。前此入汾之水。改而入於文水耳。原公水俗又呼峪道河。明嘉靖戊午。萬歷乙酉。癸巳。並

經濟治。春初秋末。農事不舉。自金莊村。

縣西北三十里

分三

之一。引入城中。過此時。則農民資溉田。

國朝康

熙二十六年。循入城。故渠通之。今復淤塞。趙日昌馬

跑泉。水碑記云。峪道河。經王化里。和美里。太和里。董

正里。羅城里。其村落則金莊。尉家。水泉。田家溝。李家

溝。劉村莊下。太平。董寺。古浮圖。羅城。金井。五里。十二

村。匯諸泉爲一渠。輪流澆灌。復開渠引三分之一。遠

城濠。入泮池。碑在縣儀門左。考峪道河。經古浮圖。而

下。由頁家莊。陳家莊。西馬寨村。雷家堡。宣柴堡。義安

村。康家堡。安頭村。北莊村。乾河村。師家莊。入汾。此數

年前故道也。乾隆三十二年，汾徙而東，文水徙而西。於是雷家堡以下，舊為原公水所經，今為文水所經。而師家莊以下，及孝義縣東，舊為汾川所經，今為文水所經。驗之近事，數年前故道彷彿與水經合，今時水道彷彿與水經注合，然則民之田廬衝決漂沒，今古同慨，司是民者所宜加之意也。

峪道河之水有泉曰悶泉，舊志云城北八里賈家莊平地，涇淵湛澹，池闊如璧，其派漫衍無湍激聲，故名。旁地多沃，穿引鑿稻池，上建昭濟聖母祠，近池產九節菖蒲，水蔥，剪刀草，芊，絲，綠，蕩。

金鎖關水出縣西三十里關峽，一名懸泉水，俗呼向陽峽。水東流有澗，由縣西張堡東流，迤北注之。又東逕縣北，又東入文水。舊與原公水同瀦於文湖，今不復瀦蓄矣。

此水過向陽村，引資灌溉，以下恒為乾澗。山水盛漲，乃通流。其右一澗，俗呼禹門河，導源山麓，至張家堡有泉曰麻窟泉。舊志云禹門河城西十里，其水會上林舍。縣西三十里安家莊，張家堡。並縣西二十里諸泉從河口出，伏沙潛注，相傳禹導水至此，因名。又云麻窟水城西十里，水從平地湧出，民引溉田，東南入汾。

文湖在縣東十里水經注云文水南運茲氏縣故城東爲文湖東西一十五里南北三十里世謂之西湖在縣直東一十里湖之西側臨湖又有一城謂之瀦城水澤所聚謂之都亦曰瀦蓋卽水以名城也自北魏之西河郡治茲氏城唐上元以後又以西河名縣故陂地唐謂之西河泊宋則謂之西河濼元和郡縣圖志汾州西河縣文湖一名西河泊在縣東十里多蒲魚之利宋史河渠志熙寧元年正月復汾州西河濼濼舊在城東圍四十里歲旱以溉民田甬以瀦水又有蒲魚芟芟之利可以給貧民前轉運使王沿廢爲田人不以爲便至皇知

雜御史劉述請復之

明謂之瀦城濼

文湖因文水得名蓋起於晉及北魏之世前後文水往往不及至是已入汾川而文湖所匯汾陽西山之水自洩於汾故宋謂之西河濼以西河縣名之也明謂之瀦城濼以陂側之城名之也若水經注言世謂之西湖則又以陂在文水西得稱後人引水經注改湖爲河以證此地古名西河因乎是謬矣明萬歷四年分守冀南道張士佩令治渠堰俾得宣洩孔天嘯碑記云濼濱公以布政左叅政分守冀南開府於汾下車省方問民疾苦則得水之所以爲利害義安里

有渚水一區曰瀦城深其濶西北受張堡河十八澗
之流東南隔汾河二十五里匯不得輸天雨暴漲則
彌原淹野敗壞民田凡七里十一村旱則無補於溉
公乃察河壩之紆直相水維之弦綫畫方畧定準裁
下令鑿渠增堰自深頭起逕通河口渠長九千二百
五十步闊四丈深五尺堰高七尺兩堰基各闊一丈
收頂各六尺渠高連堰共深一丈二尺渠有長長有
夫其力用里晦之民其易買渠地與犒勞工役用公
府之粟由是數百年淤滯之陂一朝通理委輸而會
之川渠以衍澇堰以禦衝計民得安好腴田二萬二

千四百畝有奇久之渠水充積猶足以資灌注而退
灘之餘又倍利菰麥汾陽縣志云瀦城村一帶舊係
文湖深一丈長十五里闊八里文峪河及隱泉諸水
皆入而匯爲水澤千頃稻梁莫不待灌而窮民網罟
亦資鮮食文湖神廟記迄今可考嘗見東南水利甲
於天下者以割田爲湖旱則蓄之潦則洩之雖有凶
災而民不困西北之水則又貴蓄而不貴洩文湖當
時納而不吐故得常盈不涸金大定間濱湖居民浚
渠入汾太守傅公慎撤力爲嚴禁守去終引而注之
勸以爲田無論傍湖膏腴多旱曠之虞皆變石田卽

此地亦惟早年可熟略有霖霖輒致淹沒但知窪地可田而不知餘田失水也但知低田可耕而不知凶年賠累也今欲全濬爲澤勢必不能當法割田爲湖之意規其半以蓄水導上流會納而勿使通於汾其所鑿地賦均攤於傍湖之田晦庶幾稍免賠糧之害而實獲積水之利矣但愚民當被災之時或亦願行而當收穫之年遂忘貽害

清溝水導源縣西南谿澗東北流右合一泉曰石莊泉縣西南十里又東逕縣南入文水

府舊志清溝水在城西南十里出尉陵谿谷會石家

莊水泉經流城南入喬東等村民引以溉田又名董師河

薛頡嶺之水有南北二澗北澗曰谷泉一名善利渠循谿谷東流地南轉而東北岐爲二左渠東逕陽城之北魏書地形志汾州隰城縣有陽城者也其水東注引資灌漑右渠南流逕陽城西屈而東逕其南又東亦引以資既分釀之餘東入文水

方輿紀要云善利渠在府西南西山諸泉源會流爲渠東西首尾凡百餘里有溉灌之利劉希參碑記云善利渠自薛頡山尾入汾其源初發曰出谷泉後改

今名首尾百里有奇從新家莊遙遷漸東四五十里
開始散漫行故陽城見喜乾河等村隨在開築甚賴
其利此明洪武八年修渠碑王廷槐善利渠圖記云府城西南

九十里曰薛頡山善利渠出焉東流十里經王家池
迤而東南流二十五里經楊家莊又東五里經新
莊又三里經韓家原轉東北流五里經源頭村又五
里經莊子村南平陸村北又東八里經河北村又三
里經牧莊又三里經文侯村又三里至西陽城西北
渠分爲二夾陽城而東其經陽城之北者爲北渠行
五里許至東陽城始可引灌以上渠深地高至此始落平其導而

南轉東者爲南渠行十里許至見喜村始可引灌舊
設水額北渠溉東陽城吳南里二村地凡歷二年有
半南渠溉見喜村地歷一年有半如寅年三月之一
日閉南渠開北渠至辰年七月一日則閉北渠開南
渠午年三月一日復閉南渠開北渠以是循環遞及
三村所溉地百頃有奇餘水匯於文湖以達汾此所紀里
數以兩村相距言其水道迂廻不止此故舊碑云百里有奇

薛頡嶺南湖土人呼金沙水左右汾陽孝義之間左則
鑿浮泉東南流注之右則賈壁水出龍隱山東南麓東
北流注之又東版峪水出龍隱山之陽東北流注之又

東三泉谷之水東南流注之。又東歷三堰。二縣附近隴
晦引渠資溉。又東入文水。

薛頡嶺之西爲寧鄉縣界。循山溝而西。與南大井溝
會於蕉山東南嶺。東爲澮溝。卽金沙水所導源也。舊
志靈浮泉。城西南四十里趙景王村。俗傳景王禱水
而泉應。故名三泉水。城西南二十里。出三泉里山谷
中。西接靈浮。東南注版峪水。其水清冽異常。往往瀕
陰結爲層冰。經夏不化。城市盛暑時。則斧彼鬻之。考
金沙水起薛頡嶺東。其湖谷曰澮溝。下流俗呼爲義
河。孝義縣新志。義河一名金沙河。又名行春川。源出
薛頡嶺東南。迂廻一百四十餘里。入文峪河。自發源
東行三十餘里。北爲汾陽南。爲孝義。又東至龍隱山。
轉東南行三十里許。有賈壁水自西來注。又東二十
餘里。有版峪水自西南來注。又三里許。會汾陽之三
泉河。又二十餘里。至大號城。東北入汾陽。又二十餘
里。歸文峪河。賈壁水源出龍隱山東。南麓東流二十
里。入義河。版峪水源出縣西北四十五里龍隱山之
南。南繞西溝。版谷諸村。復東北入義河。城北十五里
截義河築堰。曰柳坡堰。通水南入渠口。東南流爲義
河中堰。其上流爲上堰。下流爲下堰。二堰並溉汾陽

汾陽縣志 卷二
縣地

舊志甘泉井城東門外二十步街北諸井皆苦惟此甘冽初州人鑿井深未及墜而甘泉湧出汲引不竭故以爲名

舊志橋梁太和橋在縣治東大街北古風橋在南郭通濟橋在城南十里陽城村王莊橋在城東北十里陳家莊太平橋在城北十三里太平村南太溝橋在城北盡善村北康家堡渡在城東二十里濟汾處也攀龍橋在城西北二里許董師橋在東郭南門外石家莊橋在城東七里二橋皆清溝水所經瀦城橋萬

歷十四年曹祿修又於東堰上建龍王廟陸安橋在城西十里近山溝壑甚深涉者苦之康熙初冀南道陸公所建故民以公之姓呼是橋

舊志列景致一目曰鶴鳴古洞在長春觀曰馬跑神泉在白彪山曰卜山書院在大相里曰汾水行宮在城東十五里爲隋煬帝汾陽宮曰烟籠賢關在東郭人美廟丁字路口爲魏文侯式段干木處曰雨漬仙碑在人美廟街北曰文潮湧唱在城東十里曰彪嶺
燕歌卽白鹿山

道光三十年重修

補遺

黑龍泉在城北七里許洪土村潭深不可測潭上有龍
神廟晴雨輒應汾州知府象晉重修廟宇迄今官私祈
雨者弗絕

黑嶺水源出宵鄉東流由南泉頭過而轉南廣城北又
五里至東村又五里至陽泉又五里伏沙潛流又五里
始湧出經石村又十里至三泉又五里至聶生邨與賈
壁郭家溝諸水合又東經靳屯田屯過虢城橋普惠邨
南居民引以灌田又東南入文水

續編

汾水自乾隆三十二年東徙久不至汾文水徙而西夏
秋間雨潦從百金堡決口屢漲溢爲患道光十五年汾
水從交水縣南安村西轉與文水合橫入汾境自百金
堡至西雷家堡爲馬跑河隄所阻東西三十餘里成澤
國久之隄決水奔從宣柴堡跨諸城南北四十餘里亦
成澤國南至董家莊東西河堡西迤西入孝義境及冬
仍歸故道與文水分流水患乃息二十一年汾水再溢
入縣境患如前二十三年水患愈甚七月晦陡從文水
縣縣浦徙而東四野漫流無由種藝汾州知府牛鎮諭
照道光十八年西雷家堡放水例向南開渠疏導夫南

北均係民田南則占地無多且有舊渠易濬北則淹沒
民田不下數千百頃其利害固不待辨矣文水經水患
後文水縣武都至汾陽百金堡公築堰以遏其勢焉
金鎮關水舊與原公水同滯於文朔自文朔既涸東注
無由透北轉至西雷家堡宣柴堡等鄉入文水道光十
九年雨盛水漲淹沒田廬殆盡汾州知府牛鎮論尋水
故道向南開渠宣洩疏導民始獲耕西雷家堡宣柴堡
各立碑以紀其事

光緒十年續修

補遺

薛胡嶺之南澗水又東入義河引資灌田今俗更呼義
河爲號義河所灌僅二十一村之田三堰二縣自大石
橋入河西官村等七村爲上堰中辛安等八村爲中堰
北辛安等六村爲下堰三堰灌地各有定期正月初一
日至三月二十日爲上堰期三月二十一日至五月十
八日爲中堰期五月十九日至八月初三日爲下堰期
餘仍歸三堰村莊分用自八月初四日起十月初三日
止仍爲上堰各村灌期自十月初四日起十一月十一
日止仍爲中堰各村灌期自十一月十二日起十二月
三十日止仍爲下堰各村灌期上下堰共十三村僅大

汾陽縣志 卷二
號城一村屬孝義中堰八村僅閭家莊一村屬汾陽
時東嶽
廟碑

城池 關隘營汛堡寨附

城故汾州城也城邑考云汾州舊城世傳曹魏所築考汾州秦漢爲茲氏縣今汾州府之汾陽平遙介休孝義兩漢並屬太原郡臨石樓永甯甯鄉兩漢並屬西河郡而太原治晉陽遠在東北幾二百里西河治平定遠在西北幾七百里永和五年九月西河郡南徙五百九里治離石在茲氏西百八十餘里漢末郡廢併入太原而魏黃初二年分割離石茲氏中陽介休四縣屬西河郡縣境始隸西河茲氏晉改曰隰城其名始因於漢之隰成在離石西者考漢之隰成其南卽中陽俱隸於河

移中陽於今孝義北距漢茲氏幾十餘里而茲氏魏末
更名晉之隰城縣治未聞所在方輿紀要仍地志相傳
以爲隰城故城在今府西七十里今府西羣山簇擁無
其他以當之紀要又引或云三國魏省隰成入茲氏漢
茲氏與隰成中隔離石不得越離石而併入茲氏皆不
審信也隰城於北魏太延中爲什星軍太和八年復爲
隰城縣又置西河郡治茲氏城似郡治與縣治非一地
自秦漢至北魏所謂茲氏城者在今府治南十五里北
魏孝昌二年西河郡及隰城縣僞置平陽界而汾州移
治西河未知其因郡治抑因縣治至唐宋之汾州以後

不復遷徙豈州城卽晉隰城縣故城歟然無可證實矣

元至正十二年知州朱贊重築周九里十三步崇三丈

二尺門四

東曰景和西曰靜甯南曰來薰北曰永泰城樓題額東曰汾水環流西曰盤峰聳翠南曰

秦晉通衢北曰鎮鑰雄鎮

濠深廣不一明景泰二年修隆慶三年知

州甯業增其高厚崇凡四丈八尺加於前丈六尺下厚

四丈二尺上厚丈八尺五年始甃城萬曆二十三年改

州爲府是爲汾州府城倚郭設汾陽縣 國朝乾隆十

七年縣民賈誠等十六人捐貲繕北城三十七丈五尺

有奇知縣陶敦仁督修完固

東郭堡周九里崇三丈門六

東曰賓陽西曰連城南曰迎薰曰通介北曰拱極曰

通嘉靖十九年分守冀南道於敖知州張瑄以東門外居民殷眾寇警之後築以衛民萬曆六年甃之

南郭堡周五里十三步崇三丈門四嘉靖二十一年知州張瑄築知州曹寵竟其事

北郭堡周二里有奇崇三丈二尺下厚三丈門四隆慶三年知州甯榮築

西郭堡周三里崇二丈五尺下厚二丈八尺門四東曰聯盛

西曰威遠南曰明秀北曰安固城樓題額東曰綱維巨郡西曰保障西陲南曰天險藩籬北曰重關鎖鑰敵

臺四夾門護臺八舖舍十有二濠廣二丈深如之萬曆十二年分守冀南道梁問孟張一齊知州白夏築

府舊志古蹟有祝融城下云在汾陽縣治之西相傳

祝融所築今廢於城池內有云大城俗名四陽言日

四面照也又名祝融者亦此義後說近是蓋祝融四

陽皆即汾州城之俗稱

縣西六十里曰黃蘆嶺北魏武定二年齊獻武王出北

道度赤洪嶺以斛律金為南道軍司由黃蘆嶺出會於

烏突戍北齊天保三年幸離石遂至黃蘆起長城四百

餘里立三十六戍胡三省以為此長城蓋起唐石州北

抵武州之境明宣德四年設巡檢司 國朝順治六年

署墩堡居城內雍正四年載七年巡撫覺羅石麟以黃

盧嶺地屬險要復設乾隆二十一年移駐冀村

縣西三十里曰金鎖關在向陽嶺岩險插天中斷如關
爲汾石咽喉漢晉以來戍守處也明初置巡檢司尋廢
隆慶元年九月俺荅軍由向陽嶺分掠孝義介休平遙
隰州等處復移兵汾州城下攻八晝夜不克乃引去因
增築關城設兵防禦

汾州營參將一員守備一員外委一員隨營額外外委
二員馬步兵二百二十六名駐劄汾陽縣

舊額設馬軍百四十名步軍千五百五十九名 國
朝額設馬戰兵二百名步戰兵三百名守兵五百名

康熙三十五年裁馬戰兵百四十六名步戰兵百四
十二名守兵二百三十五名尋又裁定額設馬兵四
十名步兵三百九十二名留本營馬步兵二百二十
六名餘分防各營汛凡馬步戰守兵每名月支米三
斗每斗折銀一錢一分馬戰兵月支餉銀二兩步戰兵一兩五
錢守兵一兩馬每匹春冬月支草六十束每束折銀一分料

豆九斗

撥在太原府大盈倉本色豆內支領

夏秋月支銀九錢

明洪武二十四年設汾州守禦千戶所在上義坊永
樂十一年改爲永和府移所淨土寺宣德五年建所
於三賢坊宏治五年陞爲衛隆慶初因邊警設汾州

營抽州衛軍千名調平陽衛軍千名取汾州民壯千名統以參將建署在師垣坊四年罷參將改設守備萬曆十三年移治西郭崇正初又設參將卽以守備治爲參將府後復改守備 國朝順治二年仍設參將以城西北隅永和府廢宅改爲衝署以縣治西南舊常平倉址改建守備署

舊志汾州營一切軍器帳袋銅劍各習自製諸砲火藥鉛鐵子及隨具收給府邑貯庫聽鎮馬見伯捐俸設法各營皆置盔甲號衣鮮明汾州衛熟鐵大砲一十三位生鐵小砲二十八位生鐵銃頭二十八枚牛

鐵炸砲彈八丸生鐵滑楸一百三十一杆餘器照各

習自置

縣境分汎設防三處北路三十里曰永安汛

兵三名又北十里爲

文水縣之西路三十里曰向陽汛

兵三名

又三十里曰嶺

底汛 兵三名又五里嶺黃墟嶺接永甯州

城北十里曰太平堡十三里曰董寺堡十五里曰羅

城堡曰黑浮圖堡十七里曰大相堡二十里曰小相

西堡曰小相東堡城西七里曰田村堡曰協和堡城

西南三里曰望春堡城南五里曰橋東堡曰任家堡

十五里曰鞏村堡曰田屯北堡曰田屯南堡曰孝臣

堡曰斬屯堡二十里曰三泉堡四十里曰楊莊堡城
東北二十五里曰盡善南堡曰盡善北堡四十里曰
仁岩堡城東五里曰故賢堡曰趙家堡二十里曰康
家堡城東南十里曰陽城堡十五里曰見喜堡城西
十里曰劉家莊寨曰下張家莊寨十三里曰李家溝
寨十五里曰長春寨曰南原寨二十里曰坡頭寨曰
相子垣寨曰張家堡寨曰宋家莊寨曰成家莊寨曰
白草坡寨二十五里曰安家莊寨三十里曰向陽寨
曰靳家寨曰上金莊寨曰後溝寨城西南三十里曰
趙村寨城南十里曰文侯村寨曰牧莊寨十二里曰
尙文村寨十五里曰鞏村寨二十里曰三泉寨三十
里曰張多寨城東北十里曰成家莊寨城東十五里
曰西馬寨二十里曰東馬寨

光緒十年續修

知縣周貽纓咸豐四年捐修東北城垣百丈有奇四圍
女牆一律完葺知縣慶文同治六年捐修東城垣北面
八丈南面十一丈又西北隅三十二丈富室捐輸外捐
廉八百緡七年知縣謝均繼之



官署 倉庫驛鋪道路附

縣治在東門內大街北初爲稅課局明永樂十一年改爲州治正統十二年知州李善重建自堂及廡舍如制成化六年知州伍秀建左右鐘鼓樓嘉靖二十八年知州李當萬歷十二年知州白夏相繼修繕二十三年設汾州府以舊守備署改爲府署在州治之南近南城而州治卽爲新設汾陽縣治二十五年知縣蔡成已修國朝順治十一年知縣吳世英修大門及鐘鼓樓康熙年間知縣趙其星平士楨先後重修

典史署在縣治西康熙四十八年典史李錦重修

提督學政察院在縣治西明天啟二年汾州府同知柳白卿通判溫毅然曹祖功永甯州知州沈復禮汾陽縣知縣李作父平遙縣知縣楊廷謨介休縣知縣孫磐石孝義縣知縣閻夔夔共捐俸建 國朝乾隆六年縣人候選知州郭建瑄捐銀三千七百五十餘兩重修更增拓考棚

冀村巡檢司在縣北四十里本設在黃蘆嶺順治六年署毀遂飭居城內康熙五十二年以守備舊廨分作巡檢驛丞官署雍正四年巡檢驛丞並裁汰七年復設黃蘆嶺巡檢司以未建衙署仍居城內舊廨乾隆二十一年改駐冀村卽將舊廨移建

府舊志察院在師垣坊初御史案臨署按察分司嘉靖三年始改淨心寺爲之分守冀南道在察院東初爲布政分司每歲行部暫一居之嘉靖初定坐鎮於此遂開府焉分巡冀南道在察院西布政分司在察院南偏東按察分司在察院南偏西公館在分守道南長盈倉在師垣坊陰陽學在城東門外醫學在城南門內僧綱司在天甯寺道紀司在城隍廟縣舊志縣丞署在縣正堂西今廢主簿署在縣丞署西今廢分守冀南道缺裁署改黃太僕祠分巡冀南道缺裁

署廢知府張奇抱改建龍亭公館今改棠蔭書院汾陽驛舊在東郭東廂明永樂十一年改今廢移入城節義坊

預備倉在天甯寺後凡五廩康熙五十八年知縣周超於縣治之右復建新倉

府舊志預備倉一在天甯寺後一在縣學東考前明

縣學在城外東關立信廂縣學東之倉其廢已久

養濟院在縣治西北

每人按月給米三斗孤老冬衣花布銀十八兩在存留項下支

庫一在縣正堂之西爲架閣庫一在縣正堂之東爲貯銀庫

汾陽驛東至平遙縣洪善驛八十里西至永甯州吳城

驛九十里雍正四年裁汾陽驛驛丞歸縣管轄舊款馬

三十八匹馬夫十九名歷經裁撥實存馬十二匹夫六

名歲支工料銀四百八十七兩六錢八分

內草料銀二百七十六兩

四錢八分歲用鞁屨棚廠等項銀百四十二兩八分馬夫工食銀六十九兩一錢二分

廠夫二十

名歲支工食銀百四十四兩

汾陽驛額馬三十八匹於康熙四十九年撥協朔州

安塘馬六匹夫三名雍正五年裁馬八匹夫四名抽

協殺虎口馬一匹裁夫半名乾隆十年撥協神池縣

馬七匹夫三名半二十五年調撥洪洞縣普潤驛馬

四匹夫二名舊款應支給銀千五百九十九兩二錢六分於內裁驛丞紙紅銀二兩四錢六分裁防夫工食銀五兩七錢六分又裁防夫工食銀二十三兩四分核減夫馬工料銀三百四十二兩裁官支銀五十兩又於雍正五年裁夫馬工料銀二百一十六兩於十年裁馬夫工食銀五兩四錢共裁減銀六百四十四兩六錢六分乾隆三年馬匹加增草料銀三百三十二兩六錢四分抵支剩減銀三百一十二兩二分解冀甯道自雍正五年裁定汾陽驛馬三十四匹十年裁定夫十四名半歲支工料銀千一百三十七兩二

錢四分

前此康熙四十九年撥協安塘馬及以後調撥各處共馬十八匹夫八名半本驛實僅馬

十二匹

官支銀百五十兩共千二百八十七兩二錢

四分其撥協各驛工料銀俱解冀甯道

府舊志汾陽縣站銀三千七百六十七兩一錢六釐

二毫接遞阜隸工食銀一百二十兩損轎夫五十名

工食銀三百六十兩損轎夫工食徵官雇募銀七十

二兩外雇夫銀三百兩燈夫接遞油燭銀六兩汾陽

驛館夫等役六名鋪陳夫一名共七名每名工食銀

七兩二錢共銀五十兩四錢新增汾陽驛防夫四名

共銀二十八兩八錢汾陽驛馬騾三十二對歲給草

料工食銀一千七百四十兩八錢在站銀內支給每對
草料工食銀五十四兩四錢五縣舊志成於順治十三年者開載汾

陽驛馬騾五十四匹頭每年草料工食銀一千九百

四十四兩官支每年銀二百兩紙紅每年銀二兩四

錢六分防夫四名每年工食銀二十八兩八錢共銀

二千一百七十五兩二錢六分站銀內支領剩銀一

千五百九十一兩八錢四分六釐二毫解府支給別

驛舊款接遞阜隸二十名每名工食銀四兩九錢二

分共銀九十八兩四錢接遞不敷臨時外雇夫銀三

百兩走遞損夫五十六名每名工食銀七兩二錢共

銀四百三十兩二錢走遞馬騾二十四匹頭每匹頭草

料銀二十六兩共銀五百二十兩館夫六名共銀四

十三兩二錢

總舖在三賢坊之西舖兵二名

北路十里曰太平舖舖兵四名又十里曰小相舖舖兵四名又十

里曰郭棚舖舖兵四名又十里接文水縣之文星舖

南路十里曰陽城舖舖兵二名又五里接孝義之田屯舖

東路十里曰潞城舖舖兵四名又十里曰康家堡舖舖兵四名又

十里接平遙縣之白石舖

西路十里曰劉家莊舖舖兵二名又十里曰坡頭舖舖兵二名又

十里曰向陽鋪舖兵三名又三十里曰嶺底鋪舖兵三名又二十

里接永甯州之三交鋪

西南路二十里曰三泉鋪舖兵二名又十五里曰馬莊鋪舖兵

二此二舖新撥接遞石樓縣公文

鋪司兵三十八名每名工食銀六兩共二百二十八

兩

自城而北三里至北郭村又七里至陳家莊又五里

至羅城茶房又五里至小相茶房又十五里至永安

鎮又五里至文星鋪文水縣界

自城而東五里至望城村又十五里至康家堡又五

里至白石村又十五里鄉樂村平遙縣界

自城而東南五里至麟場村又五里至申家堡又五

里至北莊兒又五里至千河上又十里至西河堡又

十里至孔家堡介休縣界又二十里至羅顧府平遙

縣界自孔家堡迤南至張蘭鎮

自城而南五里至趙家莊又五里至陽城又五里至

田屯又十里至腰鋪接孝義縣界

自城而西南十里至牧莊又五里至義武村又十五

里至石村又二十里至石家莊又十五里至會溝甯

鄉孝義二縣界

目城而西十五里至新莊又五里至張家堡又五里
至南莊又二里至石峽村又三里至郝家莊又三十
里至黃櫨嶺接永甯州界 舊路自城而西三里至
南馮家莊又四里至田村又三里至劉家莊又十里
至坡頭又十里至向陽峽又二十五里至嶺底又五
里至黃櫨嶺自城而西北三里至北馮家莊又十二
里至白草坡又十五里至金莊又十五里至馬跑泉
又五里至交口村又十里至馬家莊又十里至高家
莊又二十里至李家嶂文水縣界又七十里至劉王
嶧交城縣永甯州界

汾陽縣志卷之三

賦稅

民地萬二百三十五頃五十畝七分有奇徵租課銀五
萬六千六十兩九錢四分八釐有奇

府舊志洪武二十四年地六千六百四十六頃四十
一畝二分一釐隆慶五年地六千六百一十三頃三
十一畝二分五釐萬歷十一年地萬七十一頃七十
二畝二分八釐此因奉例丈地遂多出三千四百五
十八頃四十一畝三釐舊制村坵民舍原無稅糧委
官盡行文出兼及荒山陡阪五穀不生之地是以虛

有此數夏稅萬六千一百六十石八斗五升七合四
勺二抄六撮六圭七粒八粟秋糧三萬二千四百五

十六石二斗七升三勺七撮七圭萬歷中汾陽縣教諭石炳云萬歷九年

執政者清查拋荒委官迎合邀功不惟額外虛浮不能均減且將硤確沙灘增開實數報田多丈三千

四百五十八頃有奇該糧千三百八十餘石當事者為下所蒙遂令抵補澤潞沁邊倉而遠沁屬邑借蠶

生奸復欲為彼包賠銀大參陳公曾建縣舊志成議力阻之而抵補代納遺害今尚如故也

於順治十三年者開載原額共徵夏秋糧四萬八千

六百一十七石一斗二升七合七勺三抄四撮三圭

七粒八粟俱係折色坐價不等併絲絹馬草共派銀

四萬二千五百二十九兩三錢一分二釐三毫二絲

六纖六沙八塵地每畝九釐銀九千六十四兩五錢四

分九釐八毫驛站銀三千七百六十七兩一錢六釐

二毫內上等官水地每畝徵糧一斗共十頃五十一

次等官民地每畝徵糧七升五合共七頃二十八畝

絲中等平地每畝徵糧五升八合共六千四百七十

一毫五忽中次等坡沙鹹地每畝徵糧三升五勺共三千

十三頃八十五畝四分額外新增豐贍庫夏秋糧一

九釐五毫八絲五忽

石二斗一升九合八勺四抄俱係折色併馬草共徵

銀一兩三分九釐三毫三忽六微八纖新絲絹銀十

六兩二錢五分

又順治十二年清出民地七頃八十三畝九分八釐
 六毫徵糧三十一石一斗五升四合六勺八抄八撮
 共折銀三十七兩二錢八分三釐三毫一絲三忽七
 微二纖七沙五塵康熙十六年清出併續查出隱漏
 額外民田地百二十頃二十二畝六分六釐七毫三
 絲徵糧三百九十八石一斗一升八合七抄七撮六
 圭五粒各徵不等共折色銀四百八十七兩三錢一
 分八釐一毫五絲七忽五微一纖六沙三渺七埃六
 漠額外河灘退地十頃七十四畝六分九釐六毫每
 畝徵銀七分三釐七毫五絲九微二沙五塵八渺四

漠共徵銀七十九兩二錢五分九釐八毫雍正六年
 聖額外民田地二頃六十七畝六分八釐三毫徵糧
 十二石一斗九升四勺一抄四撮共折色銀十三兩
 九錢六分八釐七毫九忽七微二纖五沙七塵六渺
 四埃二漠

更名田共地二十二頃二十九畝四分徵糧五十四
 石五升九勺共折銀六十四兩八錢六分二釐八絲
 內上等地七十畝每畝徵糧五升八合中等地二頃
 二十五畝每畝徵糧三升五勺下等地八十畝每畝
 徵糧八合五勺此係慶成府地又上等地一頃三十
 畝中等地九頃二十畝五分下等地八頃三畝九分
 此係承和府地

歸併汾州衛屯田二十九頃九畝八分徵租課銀七斗六兩三錢九分三釐有奇

原欵每畝徵糧五升二合五勺七撮七圭八粒一粟共徵糧百五十二石七斗八升七合一為四抄二撮七粒每石折銀五錢

以上地糧

康熙五十二年欽奉

恩詔以五十年丁冊定為常

額續生人丁永不加賦歲徵均徭銀萬二千二十一兩九錢九分二釐有奇

舊欵上上則七千三百六十六丁每丁徵銀四錢八分上中則二千五百九丁每丁徵銀四錢二分上下則千九百五十四丁每丁徵銀三錢五分中上則二千七百四十五丁每丁徵銀二錢七分中則三千八百三十一丁每丁徵銀二錢中下則三千二百三十二丁每丁徵銀一錢五分下上則三千八百一十三丁每丁徵銀九分下中則三千三十三丁每丁徵銀六分下下則萬七千九百四十丁每丁徵銀三分九釐三毫共徵均徭併辦買本色顏料加增銀八千六百兩八錢二分二釐又地差銀三千一百六十八兩二錢五釐八毫三絲四忽七微一纖二沙五塵順

治十二年清出土著新編人八百八十五丁內上上則三十一丁上中則二十一丁上下則四十一丁中上則五十八丁中中則七十一丁中下則百三十四丁下上則百三十三丁下中則百六十八丁下下則二百二十八丁共徵均徭銀百一十九兩二分四毫十四年清出紳衿優免供丁八百六十二丁俱下下則共徵銀三十三兩八錢七分六釐六毫又地差銀九十五兩二錢五分二釐五毫四絲八忽九微八沙十五年清出吏承優免上上則三丁每丁徵銀四錢五釐上中則五丁每丁徵銀三錢六分中上則四丁每丁徵銀二錢七分下上則三丁每丁徵銀一錢三分五釐下下則十丁每丁徵銀四分五釐共徵均徭銀四兩八錢一分五釐通共實行差人四萬八千四百一十三丁徵均徭併辦買本色顏料加增銀八千七百五十八兩五錢三分四釐於乾隆十年奉文攤入地糧徵收地差銀三千二百六十三兩四錢五分八釐三毫八絲三忽六微二纖五塵舊係按糧派徵歸併汾州衛屯丁徵均徭銀二百九兩六分四釐有奇舊款上上則三丁每丁徵銀一兩二錢四分五釐八毫一絲六忽七微二纖上中則七丁每丁徵銀一兩

一錢七釐三毫九絲二忽六微四纖上下則卅四丁
每丁徵銀九錢六分八釐九毫六絲八忽五微六纖
中上則三十五丁每丁徵銀八錢三分五毫四絲四
忽四微八纖中中則四十三丁每丁徵銀六錢九分
二釐一毫二絲四微中下則四十二丁每丁徵銀五
錢五分三釐六毫九絲六忽三微二纖上下則百五
丁每丁徵銀四錢一分五釐三毫二絲一忽二微九
纖五沙下中則百四十二丁每丁徵銀二錢七分六
釐八毫四絲八忽一微六纖下下則百八丁每丁徵
銀一錢三分八釐四毫二絲四忽八纖共徵均徭銀
二百五兩一分一釐二毫六絲三忽二微五纖五沙
順治十三年清出土著新編人二十九丁俱下下則
每丁徵銀一錢三分九釐七毫六絲七忽八微二纖
八塵九沙六埃五漠共銀四兩五分三釐一毫六絲
六忽八微六沙

以上丁徭

額外匠價銀二百五十二兩四錢五分

於乾隆三年奉文攤入地糧徵收

酒課銀三百兩

商稅銀千一百七十八兩四錢九分二釐

以上額外課稅

通計地糧丁徭及額外課稅共徵銀七萬九千九百三

錢四分一釐遇閏年加徵均徭銀十

起運戶部項下解布政司銀六萬三千五百五十兩

三錢七分八釐遇閏年戶部項下解布政司銀六萬

內解撥動支驛馬閏月工料銀百一十四兩實解布

政司銀六萬三千四百三十九兩七錢一分一釐

解布政司原額本色農桑絲絹銀六兩一錢一分八

釐戶部料價銀四十三兩六錢六分五釐解布政司

黃蠟價值併脚價共銀六錢六分八釐解府錫斤價

值併脚價共銀百二十八兩四錢七分二釐

存留汾陽驛驛站銀三千七百六十七兩一錢六釐

遇閏年於起運內動撥閏內解布政司驛站抵解地

月工料銀百一十四兩丁銀二千一百六十七兩八錢四分六釐存支銀千

五百五十九兩二錢六分內裁減及撥協各驛工料

存留官俸等銀二千六百一十九兩六錢四分四釐

內本府知府俸銀百五兩役食銀三百六十六兩門

二名馬快手十名共快手十六名皂隸十六名驛夫

四名驛馬夫三名斗級六名庫子四名俱每名工食

銀六通判俸銀六十兩役食銀百七十四兩門子二

十二名驛夫四名驛經歷司俸銀四十兩役食銀三

七十六兩

馬夫一名 皂隸四名

府儒學教授俸銀四十五兩

訓導俸銀四十兩 役食銀四十九兩三錢三分三釐

書夫三名 門斗二名 每名工食

銀六兩六錢六分六釐五毫

廩生

四十名 共餼糧銀百二十八兩

每名餼糧銀三兩二錢

知縣俸

銀四十五兩 役食銀六百二十四兩

門子二名 皂隸十六名 馬快手

八名 禁卒八名 牛級四名 更夫

轎夫四名 織扇夫三名 庫子四名 典史俸銀三十一兩五錢二分 役食銀三十六兩

門子一名 皂隸四名 馬夫一名 儒學教諭俸銀四十兩 訓導俸銀四十兩

役食銀四十九兩三錢三分三釐

齊夫三名 門斗三名 膳夫二名 廩生二十名 共餼糧銀六十四兩 冀村巡檢司俸銀三

十一兩五錢二分 役食銀七十二兩

皂隸二名 時憲書紙價銀十兩 府學文廟啟聖名宦鄉賢等祠祭祀

銀五十一兩一錢八分 風雲雷雨山川社稷八蜡等

壇祭祀銀二十四兩 郡屬壇祭祀銀十二兩 縣學文

廟啟聖名宦鄉賢等祠祭祀銀五十一兩一錢八分

等禮壇祭品銀三兩 關帝三代祭品銀二十兩六錢

三分 黃公祠祭祀銀八兩 迎春神牛酒席銀一兩 朔

望行香講書等銀八兩四錢 鄉飲酒禮銀十五兩 孤

老冬衣布花銀十四兩一錢六分 舖司兵三十八名

工食銀共二百二十八兩 本府歲貢花紅酒席銀六

百二十八兩

兩二年一辦者本縣起送赴考貢生花紅酒席等銀

十一兩每年六兩三年一辦者舉人坊牌銀百三十五兩

每年四兩十五兩每年六兩膳錄書手盤纏銀十八兩每年六兩新中舉人以

三名為率花紅酒席旗匾賀儀饋送會試等銀七兩

五錢每年二錢送舊舉人以六名為率盤纏酒席銀

九十九兩每年十三兩新中進士以一名為率旗匾賀儀

銀十兩每年三兩三分三釐

以上起運存留

襍稅彙解戶部者徵房田稅契銀六百三十一兩三錢

八分三釐

盈餘銀約二百餘兩

畜稅銀四百六十兩四錢九分一釐

盈餘銀約二百餘兩

煙稅銀百三十五兩九錢八分

盈餘銀約十餘兩

牙稅銀三百二十五兩四錢

據乾隆三十五年奏銷之數上等牙六十三名每名

徵銀一兩二錢中等牙二百九十八名每名徵銀八

錢下等牙十九名每名徵銀六錢

當稅銀五百三十兩

據乾隆三十五年奏銷之數共當百六座每座徵銀五兩

以上課稅

鹽稅銀九百八十八兩七錢一分二釐有奇縣境舊食鄰近土鹽額行河東鹽二千四百六十五引而不食其鹽惟按引輸稅謂之鹽稅

明萬歷間鹽課汾陽縣額發鹽票九千張每張稅銀六分共銀五百四十兩考引之名始於宋其用引之法卽池驗券按數而出元時每鹽一引重四百斤明初如之後分一引爲二引國朝順治二年立河東

鹽法時巡鹽御史奏稱陝西之平涼慶陽乃食花馬小池鹽山西太原汾州乃食本地煎鹽舊皆河東所轄以其與河東相近也十三年因議均引目下巡鹽御史酌覆御史朱紱覆稱合照賦役全書丁口數目令各省布政司將領引額丁通盤打算均勻派銷未經均定而御史焦毓瑞以河南俱食解池商鹽易於均派其山西太原汾州遼沁劍食本地土鹽食解鹽者平陽潞安二府澤州一州陝西鳳翔例食花馬池鹽食解鹽者西安一府興安二州凡行解池商鹽州縣止有督銷之責而納課之責在商若行土鹽并花

馬池鹽之處則銷引納課之責成併在州縣部議遵
定派引刊冊以永遵守雍正八年知府張學林因汾
陽縣商人巡丁大爲民害請於上官以民既輸鹽稅
又設商人致巡丁橫行於民不便得請廢商而同知
馮雲燦權知府事有按糧攤課之請九年知府崔應
階知縣林中枏遂議將鹽課紙價銀攤入地丁項內
每正糧一兩攤課一分五釐乾隆二十八年奉布政司檄稱代州
交城壽陽三屬鹽課並無商販俱征之民已經攤入
地丁統征分解民甚稱便惟文水太谷汾陽平遙介
休孝義石樓永寧寧鄉孟縣保德河曲等十二州縣

雖經攤入地丁並未歸併統徵分解係令里老催收
或派甲頭彙納以致暗中加派額外浮徵貧窮小民
不免苦累應俱倣照代州交城壽陽之例歸於地丁
項下統爲徵收分款起解前此汾陽縣地丁內攤徵
鹽課其平餘銀每鹽課一兩加平餘銀一分五厘尙未歸併至是年

知縣顧學潮請正課與平餘雖有分款寔止一項應
統算攤徵於地丁項每一兩攤徵鹽課紙價及平餘共一分五厘三毫六絲三忽四微八纖

乃以二十九年爲始由此豪右因緣爲奸侵刻小民
之弊永絕

以上鹽稅

道光三十年重修

補遺

賦役全書屯田地丁實徵款內存留武舉武宴牌匾銀五兩六錢四分此存留條下失載

續編

額外雜稅

嘉慶十二年征收土鹽稅銀一千一十三兩四錢三分一厘

存留

嘉慶六年為移咨事案內添設

文昌祠祭祀銀十

五兩七錢八分

雜稅

道光十七年分奏報數目

一房田稅契銀六百三十一兩三錢八分三厘

盈餘銀二百六十六兩一錢二分七厘

一畜稅銀四百六十兩四錢九分一厘

盈餘銀二百五兩四錢四分九厘

一煙稅銀一百三十五兩九錢八分

盈餘銀十六兩五錢二分

一牙稅銀二百六十九兩二錢

一當稅銀三百兩



學校

坊表附

汾陽縣儒學在師垣坊即舊汾州儒學金同知節度使
康玉潤重修後燬於兵元初漸次修舉明洪武間知州
茹志道正統間知州李善相繼重修正德十六年知州
郁浩復增鑿內外泮池嘉靖九年詔建敬一亭植御製
敬一箴宋儒視聽言動心五箴萬曆十二年知州白夏
重加修拓二十三年設汾州府改州學爲府學知府崔
士祭趙喬年文養浩繼修而新設倚郭汾陽縣則別建
縣學於城東 國朝順治間改建府學於同節坊康熙
十五年知縣崔秉政議縣學亦宜置城內於是以前舊府

學改爲縣學大加繕治二十五年

御書萬世師表

頒發州縣懸額廟中二十八年天下郡縣學仍舞八佾

三十三年

御製

至聖先師孔子贊四配贊頒行

天下四十一年

御製訓飭士子文頒發碣鐫石明

倫堂五十一年

詔升朱子於十哲五十五年以宋范

仲淹從祀雍正二年

御書生民未有頒發州縣懸

額廟中釐正祀典復祀遽瑗林放秦冉顏何鄭康成增

祀先賢牧皮公都子公孫丑樂正子萬章先儒諸葛亮

尹焞黃幹陳淳魏了翁何基王柏趙復金履祥許謙陳

澔羅欽順陸隴其是年頒定禮儀祭用春秋二仲月上

丁日前期陳設正位禮神制帛一色白白磁爵三牛一

羊一豕一豮一實以太羹鉶二實以和羹簋二實以黍

稷簋二實以稻粱籩十實以形鹽藜魚鹿脯棗栗榛菱

芡黑餅白餅豆十實以韭菹菁苽芹菹笋菹醢醢鹿醢

兔醢魚醢脾胾酒罇一四配位每位禮神制帛一

白磁爵三羊一豕一鉶一簋二籩二邊八無黑白餅豆

八無脾胾豚胎酒罇一十哲位又朱子一位禮神制帛

各一白磁爵各一豕二鉶各一簋各一有黍無稷簋各

一有稻無粱籩各四形鹽棗栗藜魚豆各四韭菹醢醢

菁菹鹿脯豕首二東西廡禮神制帛二銅爵各一豕六

青菹鹿脯豕首二東西廡禮神制帛二銅爵各一豕六

青菹鹿脯豕首二東西廡禮神制帛二銅爵各一豕六

學校

每案簋一盞一邊卮豆四樂器曰麾曰鼙曰磬曰鼓曰
搏拊曰祝曰敔曰琴曰瑟曰排簫曰笙曰簫曰笛曰埙
舞器曰節曰羽曰籥曰干曰戚祭獻官散齋二日致齋
一日前一日演樂省牲祭日三更鼓祭事皆備鼓再嚴
樂舞生執事者各立丹墀左右鼓三嚴引贊引各獻官
廟門外立通贊唱樂舞生就位樂生各序立於廟庭奏
樂之所兩司節者分引舞生至丹墀東西兩階各序立
於舞佾之位兩司節者退至舞生兩班之首持節相向
立唱執事者司事陪祭官就位分獻官就位獻官就位
引贊引獻官至拜位引贊退位唱瘞毛血執事者捧毛
血正廟由中門出四配十哲兩廡由左右門出瘞於坎
邊獻俎蓋唱迎神樂奏咸和之曲其辭曰大哉孔聖道
德尊崇維持王化斯民是宗典祀有常精純並隆神其
來格於昭聖容應生揚麾樂生擊祝樂作司節舉節舞
生執備秉耜而舞叩首再叩首三叩首興麾生偃麾樂
盡樂散司節伏節舞生疊舞唱奠帛行初獻禮捧帛者
捧帛執節者執節引贊引獻官詣盥洗所勺水淨巾引
詣酒尊所司尊者舉爵酌酒執爵者捧帛者在獻官前
行正廟帛爵由中門入四配帛爵由左門入各于神案
側立引贊引獻官亦由左門入詣 至聖先師孔子神

位前樂奏甯和之曲其辭曰自生民來誰底其盛惟師
神明度越前聖奉帛具成禮者斯稱黍稷非馨惟神之
聽靡生揚靡樂生舞祝樂作司節舉節舞生執籥秉翟
而舞獻官跪捧帛者西向跪進帛獻官獻帛授接帛者
奠于神位前案上執爵者西向跪進爵獻官獻爵授接
爵者奠于神位前叩首興詣讀祝位祝位在香案前引贊引獻
官至祝位麾生偃麾樂暫止讀祝者跪取祝文退立于
獻官左獻官并各官及讀祝者皆跪讀祝文曰維某年
歲次某某月某朔越幾日某官某等敢昭告于 至聖
先師孔子曰維 師德配天地道冠古今刪述六經垂

憲萬世惟茲仲春

秋則

謹以牲帛醴齊粢盛庶品祇奉

舊章式陳明薦以

復聖顏子

宗聖曾子

述聖子

思子

亞聖孟子配尚饗叩首興麾生舉麾樂生接奏

未終之樂引贊引獻官詣

復聖顏子神位前跪捧帛

者跪進帛于獻官右獻官獻帛授接帛者奠于神位前

案上執爵者跪進爵於獻官右獻官獻爵授接爵者奠

于神位前叩首興次詣

宗聖曾子

述聖子思子

亞聖孟子神位前儀同復聖復位引贊引獻官至原拜

位立通贊唱行分獻禮各引贊引分獻官詣盥洗所勺

水淨巾引詣酒尊所司尊者舉爵酌酒各引贊引分獻

官至十哲兩廡神位前跪捧帛者跪進帛分獻官獻帛
授接帛者奠于神位前捧爵者跪進爵分獻官獻爵授
接爵者奠于總案上執事者于各神前自奠一爵叩首
興復位麾生偃麾樂盡櫟啟司節伏節舞生罷舞通贊
唱行亞獻禮引贊引獻官詣酒尊所司尊者舉爵酌酒
詣至聖先師孔子神位前樂奏安和之曲其辭曰大
哉聖師實天生德作樂以崇時祀無斃清酌惟馨嘉牲
孔碩薦羞神明庶幾昭格麾生揚麾樂生擊祝樂作司
節舉節舞生執樂秉翟而舞儀如初獻四配十哲兩廡
亞終二儀偕同初獻復位麾生偃麾樂盡櫟啟司節伏
節舞生罷舞通贊唱行終獻禮儀同初獻樂奏景和之
曲其辭曰百王宗師生民物軌躅之洋洋神其甯止酌
彼金盞惟清且旨登獻惟三於嘻成禮樂作佾舞獻爵
諸儀畢復位麾生偃麾樂盡櫟啟司節伏節舞生罷舞
通贊唱飲福受胙進福酒者捧爵進福胙者取正壇羊
左肩胙置于盤引贊引獻官詣飲福位跪飲福位即捧讀祝位
福酒者跪進酒于獻官右獻官受飲以爵授接爵者捧
福胙者跪進胙于獻官右獻官受胙以胙授接胙者由
中門捧出叩首興復位叩首再叩首三叩首各官同唱
徹饌樂奏宣和之曲其辭曰犧象在前豆籩在列以享

以薦既芬既潔禮成樂備人和神悅祭則受福率遵無越樂生奏如前式執事者跪舉邊豆一器一舉而徹兩班司節分引舞生于丹墀東西相向序立不舞麾生偃麾樂盡櫟敬唱辭神樂奏祥和之曲其辭曰有嚴學宮四方來崇恪恭祀事威儀雝雝歆茲惟馨神馭還復明禋斯畢咸膺百福樂生奏如前式叩首再叩首三叩首各官同麾生偃麾樂暫止讀祝者捧祝奠帛者捧帛各詣瘞所正廟由中門出四配十哲兩廡帛由左右門出唱望瘞麾生揚麾接奏前樂祥和之曲引贊引獻官分獻官陪祭官至瘞所唱焚文帛九段焚訖麾生偃麾樂止復位通贊唱禮畢

崇聖祠在尊經閣後明嘉靖十年詔建啟聖祠 國朝

雍正三年 欽改爲崇聖祠追封孔子五代王爵復

以張載父迪從祀是年頒定禮儀前期陳設正位五案

每位禮神制帛一白磁爵三羊一豕一鉶一簋二盃二

邊八豆八酒罇一配位每位一案禮神制帛二豕首一

每位銅爵三盃一盃一邊四豆四豕肉一兩廡禮神制

帛二每位銅爵三盃一盃一邊四豆四豕肉一以春秋

二仲月上丁日先致祭無樂舞餘儀同

名宦祠在戟門外之左

汾陽縣志 卷三
六
鄉賢祠在戟門外之右

萬曆十二年知州白夏建三賢祠於啟聖祠左祀子夏段干木田子方而舊志稱知縣尹覺民導馬跑泉水至馮家莊架以木槽由西關入城至鼓樓南引入府學泮地所云府學卽今縣學也

府舊志汾陽縣學田無糧地一頃每年額徵秋租穀藟三十五石有糧地一頃每年秋租穀藟三十五石於本年租內照依時值變納糧差又有糧地一畷九分八釐四毫每年除納糧外額徵租穀四斗又守道徐學道周批發地五十畷係郭裕絕產每歲除納糧

外交租穀五石守道徐買置地十七畷五分坐落西關南一里下舍邨每歲除納糧外交納租課六石三斗二升五合地十五畷坐落北關北三里堡城司每歲除納糧外交納租課五石以上汾陽縣志云地四段坐落小相西里每歲除納糧外交租七石五斗又云原設學田共地二頃六十一畷有奇糧十五石一斗九升五合有奇又房舖三所每歲賃銀三十餘兩縣舊志載宋元豐三年賜太師文彥博詩勅并序其碑石在學中

教諭宅在尊經閣東

訓導宅在尊經閣西

西河書院在府治東南舊名棠蔭書院康熙二十四年知府張奇抱建乾隆十二年知府魏元樞於汾陽縣願捐素積案內撥銀三千兩每歲收息銀三百六十兩又自捐養廉銀五十兩及八屬各捐多寡不一歲成六百兩爲延師置弟子之費十八年知府顧鴻重修復撥銀三千五百兩合前共六千五百兩每歲收息銀七百八十兩以充束修膏火經費免州縣捐助

白公書院府舊志云在啟聖祠西其廢已久

仰高書院府舊志云在縣治西嘉靖元年督學周宣命知州張鉞卽狄公祠隙地建參政李元題名仰高宜仰子夏之文狄公之武也五年知州郭鏗增拓其廢已久文昌書院府舊志於汾陽縣云在學前府通判王重光署縣事議建今費

卜山書院縣舊志云在城北二十里大相邨名子夏祠勅額卜山書院後以遠在郊野因學宮旣成卽於西偏創立書院仍以卜山名之今亦廢

義學舊在府署西知府劉克孔建順治十六年分守冀南道申偉抱捐俸置於府學西康熙五十五年知縣平士植重整五十八年知縣周超捐俸延師聚徒講肄其

舊志明藩封各設學選宗室最賢者為宗正慶成設於城西北香火寺永和設於城西南淨土寺慶成立詩社曰金蘭永和曰青蓮

舊志有坊牌一日今附於此攀桂坊明成化十六年

為舉人李經立在人美廂奪錦坊成化十九年為舉人劉

訊立在三賢坊進士坊宏治三年為進士賈璇立在義和廂

步丹雷坊宏治八年為舉人賈珍立在義和廂後改世科益以賈晶

賈敦賈達天上探花坊月中折桂坊俱宏治九年為進士

嚴泰立在三賢坊奮身白屋坊正德五年為舉人武海立

狀元坊正德六年知州李棠為宋狀元王嗣宗元狀

元張益立在師垣坊嘉靖三十八年因榜眼孔天胤改為狀元榜眼坊青雲接武

坊金榜傳芳坊父子進士坊俱正德九年為進士賈

繼之立在義和廂繼之子嘉忠誠坊嘉靖七年為安簡王

知燠立在東和廂前世英坊嘉靖七年為舉人田宏田耕

田適立襄賢孝坊嘉靖八年為端順王奇湏立在承恩坊

榜眼坊嘉靖十一年為孔天胤立在同奎煥坊嘉靖

十三年為舉人王緯宋廷璠賴君恩劉尙義李翰立

在隨進士坊嘉靖十四年為進士王儒立在三賢坊恩榮坊嘉靖十四年為進士劉尙義立在城東門內兄弟聯輝

坊嘉靖十六年為孔天胤孔天民立在師垣坊進士坊嘉

靖二十三年為進士趙世錄立在三賢坊天寵馳封坊嘉

靖二十三年為贈主事趙廷璧立在三賢坊四雋坊嘉靖

二十五年為舉人王緝馮叔奇田大壯賈公儼立在師垣坊

恒光前裕後坊嘉靖二十九年為進士王文翰立在三賢坊

賢勵賢孝坊嘉靖三十年為莊定王新鍾立在忠誠坊前

承恩坊嘉靖三十一年為安穆王知嫌立在慶成府前方

伯文宗坊嘉靖三十八年為河南左布政使前陝西

浙江提學使孔天有立在同節坊外臺風憲坊嘉靖四十

年為僉事王文翰立在同節坊聯璧坊嘉靖四十三年為

舉人郭中張更化立在師垣坊大司馬坊隆慶元年為總

督三邊軍務霍冀立在東關迎薰門外冀孝義縣人褒端謹賢孝坊

隆慶三年為鎮國中尉表術立在上義坊侍御坊萬曆三

年為監察御史張更化立在東郭東廂龍章褒寵坊萬曆

三年為奉監察御史張學立在東郭東廂兄弟大夫坊萬

曆四年為奉直大夫王緯奉政大夫王緝立在安靜坊父

子少卿坊萬曆四年為贈光祿少卿王鶴光祿少卿

王緝立在安靜坊都御史坊萬曆七年為副都御史王緝

立在三賢坊三世大臣坊萬曆十年為贈副都御史王垣

王鶴副都御史王緝立在三賢坊褒賢孝坊萬曆十三年

爲慶成王慎鍾立在同節坊烈婦坊萬曆三十五年爲王

蜀妻侯氏立在南郭父子諫議坊崇正七年爲禮科給

事中張第元立在汾州衛前天官坊崇正九年爲吏部考

功清吏司郎中靳光先立在三賢坊三賢故里坊 國朝

順治間立在東郭西廂貞懿坊康熙十六年爲節婦朱氏

立在北關勅褒孝行坊康熙三十一年爲孝子魏之憲

立在羅城堡外

道光三十年重修

補遺

兩廡從祀先賢先儒名位郡邑乘往往詳著於編夫從

祀之典通頒直省各學非爲一方而設瑣屑紀錄似失

體要至名宦鄉賢兩祠亦闕而不載非所以備掌故維

風化也謹據名宦鄉賢兩祠所列名位件繫于右略加

攷核以正祀典

名宦祠

周西河守虞子蒸吳起 漢西河太守杜延年并州牧

郭伋 魏西河守房豹 晉汾州刺史王雅西河守刁

雙張軌 後魏汾州刺史王慶 西魏汾州刺史韓褒

後周大都督行汾州事宇文勰 唐汾州刺史薛從

西河守陸曠汾州長史崔隱甫汾州刺史賈耽汾陽王

郭子儀汾州別駕李抱真汾州刺史李說李勉崔宏禮
 李漢 宋汾州通判趙瞻汾州路都監李謙溥知汾州
 張克戩汾州教授陳膏汾州路兵馬都監賈宣 金汾
 陽軍節度使胥鼎石抹元毅 元知汾州郭琪睦大用
 汾州同知程邦彥汾州通判李朝英 明知汾州茹志
 道紀正張軌李善葉穆伍琇海鯉李棠郁浩何賢冀南
 道王崇簡於叔孫繼魯葛守禮知汾州郭鏗劉坤劉一
 佺知汾陽縣張九賢費甲鏢張首標劉必達 國朝冀
 南道馬鳴佩史記功申偉抱汾州知府周召南黃廷柏
 郎永清

右崇祀名宦祠六十人乾隆中重修郡志擬徹者十

人周西河守虞子羔吳起漢并州牧郭伋地非府境晉汾

州刺史王雅雅係北周人且地非府境張軌地非府境後魏汾州刺史

王慶西魏汾州刺史韓褒地非府境後周行汾州事宇文

測測係西魏人且地非府境唐汾州刺史崔宏禮本傳有短于治民愛利務多積

語汾陽王郭子儀地非府境訂正者二人魏西河守房豹

據北史房法壽傳改列北齊晉西河守刁雙據魏書

本傳改列北魏今名宦祠所列依然沿襲舊訛未經

釐定

鄉賢祠

晉布衣王延 北燕尙書右丞宋隱 北魏勝兵將軍

張濟 唐右臺宋務光東臺宋友文 宋檢校太尉王

嗣宗康州團練使田紹斌賀州團練使楊瓊惠州刺史

李渭檢校太尉狄青 元河東兵馬都元帥杜豐處士

王天祺南臺都御史呂沈國子監司業張益國子監助

教柳誠 明監察御史辛彥博河南按察司僉事董齡

樂安知縣李秀戶部郎中賈璇長清知縣田籽歲貢劉

仲原登州知府嚴泰戶部郎中賈繼之陝西參議劉尙

義太僕寺卿張更化副都御史王緝中部知縣朱新趨

副都御史孔天允 國朝湖南道劉昇祚孝廉李開

先處士胡庭臨洮道田呈瑞孝廉趙日昌

右崇祀鄉賢祠三十四人乾隆中重修郡志擬徵者

一人北燕宋隱隱父恭己家于廣平列人訂正者三人晉王延改

列劉聰時唐宋友文乃令文之說朱新趨乃新堞之

說今鄉賢祠所列亦仍沿舊誤與名宦同又粟主名

銜有亟宜更正者張濟當書成紀侯王嗣宗書王景

莊狄青書狄武襄李渭書都監王奇書防禦使杜豐

書沁州長官呂沈書呂簡肅辛彥博書浙江左布政

使董齡書四川副使賈繼之書戶部主事劉尙義書

河南副使王緝書戶部右侍郎孔天允書河南左布

政使

續編

乾隆三十五年知縣李文起教諭趙鄒訓導王廷淑重修縣學大加繕治道光五年知縣林濬源教諭白嶠訓導陳棠堦復踵其事廟貌鼎新俱有碑見藝文

西河書院 道光三年知府余永齡撥當商舊存敬惜字紙款內每年息錢五十八千八百爲獎賞資十年山長桂林子仁鑑增建房間知府象曾捐廉繕修事未竣罷官歸十一年知府史夢蛟繼之間歲而工成十五年勸捐銀四百兩發當商生息歲收息銀四十八兩爲膏火資又勸捐錢二百千發當商生息歲收息錢三十六千遇閏加增爲歲修資

汾陽縣義學在汾州府學西乾隆四十九年知縣蔡珍煥重修

西軒義學亦在郡學西邑紳魏國卿建

宏寺邨義學邑紳呂文樞建

小相邨義學邑人姜調彝建

宋家莊義學邑紳宋士哲建

仁岩邨義學邑紳李日耀建

陽泉邨義學邑人

鄉飲介賓王學孔武生王學孟

等建

東密莊義學邑紳韓鈺等建
羅城鎮義學邑紳李萬青建

光緒十年續修

縣學宮光緒六年署知縣方家駒教諭賀熾訓導李師
愨捐修知縣慶文教諭裴國苞訓導梁舒翹繼之

學額自咸豐閒累有加廣自是增文學二名武學二名

永著爲例

先是道光季年東南用兵需餉殷份陽先後
助餉以若干萬計奉邀部議增廣學額如例

學田地新增三十三畝在三泉鎮光緒三年邑紳王燮
與其弟森濠捐施

忠義祠垣曲教諭韓敬

贈國子監助教咸豐年崇祀

寶雞知縣崔鈺淦

贈道銜同治年崇祀

西河書院膏火知府瑞斌於光緒二十一年撥公項發商生
息歲取息銀四十兩增置 書院舊匾無字木牌二略

同匾式同治七年武訪疇主講薦題邑中科目於上
牌隘僅上起道光元年至今凡若干人云

西河堡義學邑人李天茂置又南垣寨集賢堡義學邑
紳王燮弟森濠同置

卜山書院大相村先賢卜子祠規模宏敞局度修整每
歲春秋二仲月行戊祭禮鄉先輩募一百七十金歲收
利息以供祭費行有年矣嗣制府王慶雲復捐三十金

兩項共換錢三百六十緡知府瑞斌著以二百緡歸商
生息以作永遠祭費六十緡補修祠宇

光緒十年知府朱采將汾邑當行歲交府署季規銀四
百八十兩捐入西河書院增置生童膏火及住院肄業
者薪水之費申詳 上憲永著爲例又創設義學四處
在城曰端本義學廣業義學在關曰尚志義學樂羣義
學其學師館穀館中雜費及諸生筆墨書卷之資歲從
清徭局節省項下領用

西河書院歲久未修傾頽已甚知府朱采甫下車謁書
院卜子祠目擊心傷慨議重新乃倡捐廉三百兩署汾
陽縣知縣徐焯平遙縣知縣楊恩溥各捐銀二百兩署
介休縣知縣李延恩孝義縣知縣孔廣熙永甯州知州
賀澍恩各捐銀一百兩派紳士經理修葺一新

3678



沈陽縣志
卷三
三

572E